



<u>THUTO</u>	: SEPEDI 1A
<u>KHOUTO</u>	: SEP 1AA1
<u>LETŠATŠI</u>	: 23 MOPITLO 2019
<u>NAKO</u>	: 12:30 – 15:30
<u>PALOMOKA YA MEPUTŠO</u>	: 100
<u>MOHLAHLOBI</u>	: MR M P LSHILO
<u>MOLEKANYETŠI</u>	: MR M KGOPA
<u>PALO YA MATLAKALA</u>	: MATLAKALA A MAHLANO
<u>DITAELO</u>	: ARABA DIPOTŠIŠO KA MOKA

POTŠIŠO 1

1.1 Bala temana ye e latelago ka tlhokomelo gore o tle o kgone go araba dipotšišo tšeo di latelago:

Sekwala o be a humane mmereko o mobotse wa go rekiša ka lebenkeleng. Ge a neilwe modiro woo wa boikarabelo bjo bogolo, a bile a tlwaetše le batho ba bantši ba Ditsobotla, a ba le metswalele e mentši. Ka morago ga sebakanyana ba bangwe ba bona ba thoma go kganyoga ge Sekwala a ka ba nea diphahla tša lebenkele ka theko ya tlasetlase yeo ba tlo lefago yena e sego mong wa lebenkele. Le ge Morena Lombard a be a lefa Sekwala moputso wa go tsebalega, eupša Sekwala o ile a lekega kudu ge a bona lešobana la go dira tšhelete e nngwe gape ka godimo ga yeo ya moputso wa gagwe.

- 1.1.1 Kgetha maina a mahlano ao a tšwelelago temaneng ye gomme o a beakanye go ya ka magoro a ona. [10]
- 1.1.2 Beakanya maina ao o a kgethilego go 1.1.1 go ya ka mehuta ya ona. [10]
- 1.1.3 Ka mehlala e mahlano yeo e kgodišago, laetša gore maina a legoro la 14 a šomiša hlogwana ya legoro lefe ge a tšwelela ka bontši. [5]
- [25]

POTŠIŠO 2

2.1 Efa tlhalošo ya gore mainamatšo ke eng? [1]

2.2 Laetša sebopego sa maina a a latelago:

2.2.1 go boloka

2.2.2 mmala [4]

2.3 Tšweletša dikarolo tša polelo tšeo di hlamilego (bopilego) mainagokwa a a latelago:

2.3.1 Modulasetulo

2.3.2 Motšwantle

2.3.3 Ntwadumela

2.3.4 Kapabodikela

2.3.5 Sefatanaga [10]

2.4 Bala temana ye e latelago gore o tle o kgone go araba dipotšišo tše di latelago:

Mafelelong ba gabo ba mo tloša Thaontšhipi, mahlong a batho, ba mo iša ngakeng e nngwe kua Phafola, moo a ilego a dula ngwaga ka moka go sa kwewe selo ka ga gagwe. Eupša ka gobane Baswana ba re taba ga e lale, gwa ba gwa kwala gore ba lefile ditšhelete tše dintši fela a se fole. Ba ba ba mo rwalela gagabo moo a tswaletšwego gona. Fao a phela sebaka sa dikgwedi tše pedi gomme a hlokagala, a se sa bonala gore e kile ya ba motho. Gwa tuma la gore Mokgalabje Tšhidi Serumula o dirišitše tša gagwe go hlokofatša babolai ba motlogoloagwe.

2.4.1 Kgetha mašala ao a tšwelelago temaneng ye gomme o bolele le mehuta ya ona.

[10]

[25]

POTŠIŠO 3

3.1 Bolela gore makgokedi ao a thaletšwego ke a mohuta ofe.

3.1.1 Monna yo bogale o fetile.

3.1.2 Re mo gopola ka mehla.

3.1.3 Mosadi yo a sepelago.

3.1.4 Bona ba rwele mogoma wa Lesiba.

3.1.5 Bana bao ba lwalago mogopolong ba gorogile lehono.

[10]

3.2. Tšweletša medirišo le mabaka mafokong a a latelago:

3.2.1 Basadi ba rata go bina.

3.2.2 Se lebeleleng morago!

3.2.3 Bašemane bao ba utswitšego ba gobaditšwe.

[6]

3.3 Fahlela ka mohlala o tee o tee go tšweletša tlhalošo ye e kgodišago ya sebopego sa kutu ya lediri la modirišotaelo ka fase ga mabaka a a latelago:

4/.....

3.3.1 Taelo yeo e lebišitšwego bathong ba go feta o tee (kganetšo ya madiri a nokontši). [3]

3.3.2 Tatelano ya bontšhi bja ditiragalo tšeo di tšwelelago ka tumelo. [3]

3.3.3 Tatelano ya ditiragalo tšeo di tšwelelago ka tumelo le ka kganetšo. [3]

[25]

POTŠIŠO 4

4.1 Ngwalolla mafokwana a ka kganetšo gomme o laetše sebopego sa lediri la modirišogo:

4.1.1 Go hlapa mmele ka moka.

4.1.2 O rata go robala kudu. [5]

4.2 Tšweletša mafoko ao go ona go nago le mehuta ye e latelago ya makopanyi:

4.2.1 Makopanyi a go tšwa dikarolong tše dingwe tša polelo (Lešalašupi)

4.2.2 Makopanyi a mathuši ao a thomago ka e- .

4.2.3 Makopanyi a tlhago.

4.2.4 Makopanyi ao a kopanyago dihlophantšu.

4.2.5 Dihlophantšu tšeo di ka šomišwago bjalo ka makopanyi. [10]

4.3 Ngwala mafoko ao a nago le mehuta ye e latelago ya maekiši le malahlelwa.

4.3.1 Maekiši a go swantšha modumo.

4.3.2 Maekiši a go swantšha dikwi.

4.3.3 Maekiši a go swantšha mmala.

4.3.4 Malahlelwa a go dumediša.

4.3.5 Malahlelwa a go belaela. [10]

[25]

0000000